

1018

004

Bosna i Hercegovina
Federacija Bosne i Hercegovine
KANTON SARAJEVO
**Ministarstvo komunalne
privrede i infrastrukture**



Bosnia and Herzegovina
Federation of Bosnia and Herzegovina
CANTON SARAJEVO
**Ministry of Communal Economy and
Infrastructure**

Broj: 27-05-24938/18
Sarajevo, 25.07.2018. godine

SKUPŠTINA KANTONA SARAJEVO
- OVDJE-

PREDMET: Odgovor- dostavlja se

Veza Vaš akt broj: 01-05-24938/18 od 26.06.2018. godine

Zastupnica Segmedina Srna Bajramović, na 43. Radnoj sjednici Skupštine Kantona Sarajevo, održanoj dana 25.06.2018.godine, u okviru tačke dnevnog reda "Poslanička pitanja, inicijative i odgovori", postavila je zastupničko pitanje koje se odnosi na preduzeće KJKP Park d.o.o. Sarajevo, odnosno postavila je slijedeća pitanja;

Da li su Ministar i Premijer, po Ustavu, dužni štiti imovinu KS, što je njihova odgovornost i za stanje u preduzeću Park, postavljam pitanje da li su upoznati sa ovom devastacijom državnog kapitala i imaju li namjeru poduzimati aktivnost iz svoje nadležnosti kako bi spriječili dalje propadanje firme?

Koliko je Ministarstvo platilo sanaciju zelenih površina oko čuvene S krivine kod hotela Holiday a koja je u tom dijelu u posebno lošem stanju?

U skladu sa navedenim pitanjem Ministarstvo komunalne privrede i infrasrukture ovim putem daje slijedeći,

- o d g o v o r -

Vlada Kantona Sarajevo putem Ministarstva komunalne privrede i infrastrukture redovno je upoznata o aktivnostima ne samo u preduzeću KJKP Park d.o.o. Sarajevo već i u svim ostalim kantonalnim javnim komunalnim preduzećima iz svoje nadležnosti.

U pogledu Vaših navoda iz pitanja ovim putem Vas obavještavamo da preduzeće KJKP Park d.o.o. Sarajevo ima svoje upravljačke organe koje imenuje Skupština Kantona Sarajevo - Skupština preduzeća, koja imenuje Nadzorni odbor odnosno isti Upravu preduzeća.

Također, shodno Zakonu o javnim preduzećima u Federaciji Bosne i Hercegovine („Službene novine Federacije BiH“, br.: 8/05, 81/08, 22/09 i 109/12) preduzeće osim navedenih struktura ima i Odbor za reviziju, direktora Odjela interne revizije.



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086, Fax: + 387 (0) 33 562-177
Sarajevo, Reisa Džemaludina Čauševića 1



KJKP Park d.o.o. Sarajevo prilikom obavljanja poslova iz segmenta zajedničke komunalne potrošnje iste obavlja shodno usvojenom Planu i Programu održavanja koji se usvaja do 15 decembra tekuće godine za narednu godinu shodno Zakonu o komunalnoj čistoći, a pod nadzorom i redovnom kontrolom od strane uposlenika ovoga Ministarstva, kao i kordinacije lokalne zajednice i ovoga Ministarstva.

Također, ovo Ministarstvo je i zatražilo izjašnjenje od KJKP Park d.o.o. Sarajevo na Vaša pitanja a u kojem se ističe da je stanje upravo poboljšano, stabilizovano sa tendencijom pozitivnom rasta i razvoja i to od juna 2016.godine.

U periodu od juna 2016.godine do dana predmetne informacije stanje u preduzeću prema navodima iz istoga je da se redovno isplaćuju lični dohoci sa savim doprinosima, redovno izmiruju sve zakonske obaveze, kao i dobavljači.

Obaveze prema dobvaljačima na dan 30.06.2016.godine su iznosile 1.478.631,00 KM a na dan 30.06.2018.godine iznose 410.000,00 KM.

Poslovanje koje je bilo po završnom računu u 2016.godini je ostvaren gubitak u iznosu od 631.508,00 KM a za 2017.godinu ostvarena je dobit u iznosu od 158.644,00 KM navode iz akta preduzeća.

U pogledu pitanja koliko je Ministarstvo platilo sanaciju zelenih površina oko čuvene S krivine kod hotela Holiday a koja je u tom dijelu u posebno lošem stanju, dajemo slijedeći odgovor.

Ministarstvo komunalne privrede i infrastrukture do sada nije platilo izvedene radove i usluge preduzeća KJKP Park d.o.o. Sarajevo na ovoj lokaciji.

Napomene radi, zapuštenu i devastiranu površinu KJKP Park d.o.o. Sarajevo je rekonstruisalo i dovelo u kvalitetno pejzažno, hortikulturno i funkcionalno stanje, a o čemu su se pozitivno i zahvalno izjasnili i građani Kantona Sarajevo koji su u vrijeme izvođenja odnosno završetka radova bili u stalnom kontaktu sa radnicima preduzeća koji su obavljali svoj posao na terenu, kao i izjavama istih u sredstvima informisanja.

S poštovanjem,



Dostaviti:

- ① Naslovu;
2. Stručna služba Vlade Kantona Sarajevo- na znanje;
3. Evidencija;
4. a/a.



web: <http://mki.ks.gov.ba>
e-mail: mki@mki.ks.gov.ba
Tel: + 387 (0) 33 562-086, Fax:+ 387 (0) 33 562-177
Sarajevo, Reisa Džemaludina Čauševića 1

